

Հավելված  
Հաստատված է Հայաստանի Հանրապետության հանրային  
ծառայությունները կարգավորող հանձնաժողովի 2007 թվականի  
հոկտեմբերի 8-ի N°403Ա որոշմամբ

**«Ղ-Տելեկոմ» փակ բաժնետիրական ընկերության կողմից  
Հայաստանի Հանրապետությունում ռադիոկապի ցանցի  
(շարժական) կազմակերպման համար 2125-2140ՄՀց/1935-  
1950ՄՀց հաղորդման/ընդունման ռադիոհաճախականությունների  
հատվածների օգտագործման թույլտվության**

## **Պայմանները**

**(Թույլտվություն N0184, տրված Հայաստանի Հանրապետության  
հանրային ծառայությունները կարգավորող հանձնաժողովի  
2007թ. հոկտեմբերի 8-ի N°403Ա որոշմամբ)**

### **1. Սահմանումներ**

Սույն թույլտվությունում գրված հիմնական հասկացությունները սահմանվում են  
հետևյալ կերպ.

Հանձնաժողով՝ Հայաստանի Հանրապետության հանրային ծառայությունները  
կարգավորող հանձնաժողով.

Թույլտվություն ունեցող անձ կամ Լիցենզավորված անձ՝ «Ղ-Տելեկոմ» փակ  
բաժնետիրական ընկերություն.

Թույլտվություն՝ Հանձնաժողովի կողմից Լիցենզավորված անձին տրված սույն  
փաստաթուղթը, որը հավաստում է ռադիոհաճախականությունների որոշակի  
հատված օգտագործելու նրա իրավունքը և պարտականությունը.

Ֆորս մաժոր՝ արտակարգ և անկանխելի դեպքեր և հանգամանքներ, որոնք  
ստեղծվել են Լիցենզավորված անձի կամքից անկախ, ներառյալ (սակայն  
չսահմանափակվելով դրանցով) բնական աղետները, բնության ուժերի  
արտասովոր ուժեղ դրսևորումները, ինչպես, օրինակ, ջրհեղեղները,  
երկրաշարժերը, փոթորիկները, պտտահողմերը, նաև սաբոտաժային

գործողություններ, ահաբեկչություններ, պատերազմներ, ապստամբություններ, հասարակական անկարգություններ, գործադուլներ, որոնք խոչընդոտում են Լիցենզավորված անձի գործունեությունը կամ հանգեցնում նրա ստանձնած ցանկացած պարտավորության կատարման ձգձգման կամ դադարեցման՝ հակառակ նրա կողմից գործադրված ջանքերի՝ խուսափելու, թուլացնելու կամ վերացնելու այդ ուժերի ազդեցությունը:

## 2. Թույլտվության գործողության ժամկետը

2.1 Թույլտվությունը ուժի մեջ է մտնում 2007 թվականի հոկտեմբերի 8-ից:

2.2 Սույն Թույլտվությունը տրվում է 10 տարի ժամկետով:

## 3. Ռադիոհաճախականության օգտագործման էությունը կազմող գործառույթները

3.1 Թույլտվությունը ուժի մեջ մտնելու պահից Լիցենզավորված անձին իրավունք է տրվում և պարտավորեցվում է Հայաստանի Հանրապետությունում ռադիոկապի ցանցի (շարժական) շահագործմամբ օգտագործել 2125-2140ՄՀց/ 1935-1950ՄՀց հաղորդման/ընդունման ռադիոհաճախականությունների հատվածները՝ հետևյալ տեխնիկական ցուցանիշներով՝

- 1) ռադիոկապի ցանցի (շարժական) շահագործման ժամկետի սկիզբ՝ մինչև 2008 թվականի ապրիլի 1-ը.
- 2) ռադիոհաճախականությունների հատվածների օգտագործման նպատակը՝ շարժական հեռախոսակապի կազմակերպում.
- 3) ռադիոկապի ցանցի (շարժական) օգտագործման տարածքը՝ Հայաստանի Հանրապետություն.
- 4) օգտագործվող տեխնիկական ստանդարտի անվանումը՝ IMT-2000/UMTS (IMT-DS).
- 5) բազային ռադիոկայանների քանակը՝ 5 .
- 6) բազային ռադիոկայանների անվանումը և տեղադրման վայրերը՝

| Բազային<br>ռադիո-<br>կայանի<br>հերթական<br>համարը | Բազային<br>ռադիոկայանի<br>անվանումը | Բազային ռադիոկայանի տեղադրման վայրը |
|---------------------------------------------------|-------------------------------------|-------------------------------------|
|                                                   |                                     |                                     |

|   |         |                        |
|---|---------|------------------------|
| 1 | YER_001 | ք.Երևան                |
| 2 | YER_002 | ք.Երևան                |
| 3 | YER_004 | ք.Երևան                |
| 4 | YER_006 | ք.Երևան                |
| 5 | GYU_005 | Շիրակի մարզ, ք.Գյումրի |

8) հատկացված ռադիոհաճախականությունների հատվածները (հաղորդման /ընդունման)՝ 2125-2140ՄՀց / 1935-1950ՄՀց.

9) ճառագայթման դասը՝ 200KG7W.

10) անտենաների տեսակը՝ պանելային.

11) անտենաների ուժեղացման գործակիցը՝ 15 dBi.

12) անտենաների բարձրությունը երկրի մակերեսից, ճառագայթման ազիմուտները, տեղի անկյունները՝

| Բազային կայանի հերթական համարը | Բազային ռադիոկայանի անվանումը | Անտենայի բարձրությունը երկրի մակերեսից (մետր) | Ճառագայթման ազիմուտը (աստիճան) | Տեղի անկյունը (աստիճան) |
|--------------------------------|-------------------------------|-----------------------------------------------|--------------------------------|-------------------------|
| 1                              | YER_001                       | 37                                            | 30 / 140 / 270                 | -8 / -6 / -7            |
| 2                              | YER_002                       | 55                                            | 20 / 130 / 240                 | -9 / -10 / -10          |
| 3                              | YER_004                       | 46                                            | 30 / 150 / 270                 | -5 / -9 / -9            |
| 4                              | YER_006                       | 51                                            | 0 / 140 / 240                  | -6 / -9 / -11           |
| 5                              | GYU_005                       | 27                                            | 20 / 145 / 270                 | 0 / -6 / -2             |

3.2 Լիցենզավորված անձը յուրաքանչյուր բազային կայանը շահագործման ընդունելուց հետո, եռօրյա ժամկետում պարտավոր է Հանձնաժողով ներկայացնել բազային կայանների տեխնիկական տվյալները (ռադիոկայանի հզորությունը, ընդունման/հաղորդման ռադիոհաճախականությունների հատվածները, ճառագայթման դասերը, ռադիոկապի կայանի տեղադրման վայրը և աշխարհագրական կոորդինատները, ընդունիչի տեսակը և զգայունությունը, անտենայի տեսակը, ուժեղացման գործակիցը, անտենայի դիագրամի ողղվածության լայնությունը, մեկ կրող ռադիոհաճախականության վրա ինֆորմացիոն (ստանդարտ հեռախոսային) կապուղիների քանակը:

3.3 Լիցենզավորված անձն պարտավոր է ռադիոհաճախականությունն օգտագործել այնպիսի ձևով, որ վնասակար ազդեցություն չունենա այլ անձանց ռադիոհաճախականության օրինական օգտագործման վրա:

3.4 Թույլտվության 3.3 կետի խախտման դեպքում՝ Հանձնաժողովը կարող է փոփոխություն կատարել թույլտվության մեջ:

#### **4. Լիցենզավորված անձի գործունեությունը**

4.1 Լիցենզավորված անձը պարտավոր է իր գործունեությունը իրականացնել «Էլեկտրոնային հաղորդակցության մասին» Հայաստանի Հանրապետության օրենքի, Հանձնաժողովի ընդունած իրավական ակտերի, Թույլտվության պայմանների և այլ իրավական ակտերի համաձայն:

4.2 Թույլտվությունը չի կարող օգտագործման տրվել այլ անձանց, օտարվել կամ գրավադրվել՝ բացառությամբ օրենքով սահմանված դեպքերի:

4.3 Լիցենզավորված անձը պարտավոր է Թույլտվությունն ուժի մեջ մտնելու պահից եռամսյա ժամկետում Հանձնաժողով ներկայացնել կապի գծով քաղաքաշինության փաստաթղթերի մշակման լիցենզիա ունեցող անձանց կողմից մշակված՝ ցանցի տեխնիկական նախագիծը:

4.4 Սույն պայմանների 4.3 կետով նախատեսված տեխնիկական նախագծի ներկայացումից հետո, թույլտվության պայմանները կարող են փոփոխվել:

4.5 Լիցենզավորված անձը պարտավոր է ռադիոկապի ցանցի (շարժական) շահագործումից առնվազն 3 օր առաջ տեղեկացնել Հանձնաժողովին շահագործման մասին:

4.6 Լիցենզավորված անձի նկատմամբ սեփականության իրավունքն այլ անձի փոխանցելուց առաջ Լիցենզավորված անձը պարտավոր է «Էլեկտրոնային հաղորդակցության մասին» Հայաստանի Հանրապետության օրենքով սահմանված կարգով ստանալ Հանձնաժողովի համաձայնությունը:

4.7 Լիցենզավորված անձը պարտավոր է ապահովել Թույլտվությամբ հատկացված ռադիոհաճախականությունների տիրույթի արդյունավետ օգտագործումը:

4.8 Լիցենզավորված անձը պարտավոր է իր տնօրինության կամ տիրապետման տակ գտնվող սարքավորումների շահագործման, տեխնիկական սպասարկման

և նորոգման ընթացքում ապահովել քաղաքացիների, սպասարկող անձնակազմի կյանքի և առողջության անվտանգությունը:

4.9 Լիցենզավորված անձը պարտավոր է Հանձնաժողով ներկայացնել իր մոտ անցկացված՝ Հանձնաժողովի կողմից կարգավորվող գործունեությանն առընչվող աուդիտորական կամ իրավասու մարմինների ստուգման եզրակացությունները և արձանագրությունները (ակտերը)՝ համապատասխան գործողությունների ավարտից հետո 10-օրյա ժամկետում:

4.10 Լիցենզավորված անձը պարտավոր է Հանձնաժողովի կողմից սահմանված կարգով և ժամկետներում վճարել ռադիոհաճախականությունների օգտագործման վճարները և եռամսյակը մեկ անգամ՝ մինչև յուրաքանչյուր եռամսյակի վերջին օրը, Հանձնաժողով ներկայացնել ռադիոհաճախականությունների օգտագործման համար սահմանված ամենամյա վճարի մեկ քառորդի վճարումը հավաստող անդորրագիրը:

4.11 Լիցենզավորված անձը պարտավոր է իր վերակազմակերպման կամ անվանափոխման, կամ գտնվելու վայրի փոփոխման դեպքում այդ փոփոխությունների իրավական ուժ ստանալու օրվանից սկսած 15-օրյա ժամկետում այդ մասին տեղեկացնել Հանձնաժողովին՝ կցելով նշված տեղեկությունները հավաստող համապատասխան փաստաթղթերը:

4.12 Լիցենզավորված անձը՝ Հանձնաժողովի կողմից սահմանված կարգին և ձևերին համապատասխան, պարտավոր է իր գործունեության մասին տեղեկատվություն ներկայացնել Հանձնաժողով:

4.13 Լիցենզավորված անձը պատասխանատվություն է կրում իր գործունեության մասին Հանձնաժողով ներկայացրած տեղեկատվության հավաստիության համար:

4.14 Լիցենզավորված անձի՝ Հանձնաժողով ներկայացրած տեղեկատվությունը հրապարակային է, եթե այն Լիցենզավորված անձի կողմից չի համարվում գաղտնի և նշված չէ որպես «գաղտնապահական տեղեկատվություն»: Լիցենզավորված անձն իրավունք ունի ներկայացնել փաստարկներ և հիմնավորումներ՝ ապացուցելու համար, որ իր ներկայացրած տվյալների

(ներառյալ՝ «գաղտնապահական տեղեկատվությունը») հրապարակումը կարող է վնասել իր գործունեության շահերին: Հանձնաժողովն իրավասու է ընդունել կամ մերժել նման տեղեկատվության չհրապարակման վերաբերյալ Լիցենզավորված անձի խնդրանքը:

4.15 Լիցենզավորված անձը պարտավոր է հնարավորինս սեղմ ժամկետում Հանձնաժողով հայտնել այն հանգամանքների մասին, որոնք հանգեցրել կամ կարող են հանգեցնել Թույլտվության պայմանների խախտման:

## **5. Գործունեության վերահսկում**

5.1 Թույլտվության պայմանների պահպանման վերահսկումն իրականացնում է Հանձնաժողովը:

5.2 Թույլտվության պայմանների պահպանման վերահսկումն ապահովելու նպատակով Հանձնաժողովը կամ նրա լիազոր ներկայացուցիչներն իրավունք ունեն ազատ մուտք գործել Լիցենզավորված անձի տարածք: Վերահսկումն իրականացնելու ընթացքում Լիցենզավորված անձը պարտավոր է լիովին համագործակցել և աջակցել Հանձնաժողովին կամ նրա լիազոր ներկայացուցիչներին:

5.3 Հանձնաժողովի լիազոր ներկայացուցիչները Լիցենզավորված անձի տարածքում պահպանում են Լիցենզավորված անձի ներքին կանոնակարգը, անվտանգության կանոնները, ինչպես նաև Հայաստանի Հանրապետության օրենսդրությամբ սահմանված նորմերը:

5.4 Հանձնաժողովն անհրաժեշտության դեպքում իր ներկայացուցիչների միջոցով, իր կողմից սահմանված կարգով և ժամկետներում, իրավունք ունի իրականացնելու Թույլտվության պայմանների պահպանման ուսումնասիրություն և Հանձնաժողով ներկայացված տեղեկատվության հավաստիության ստուգում:

## **6. Պատժամիջոցներ**

6.1 Լիցենզավորված անձի կողմից «Էլեկտրոնային հաղորդակցության մասին» Հայաստանի Հանրապետության օրենքի, Հանձնաժողովի ընդունած իրավական ակտերի պահանջները կամ Թույլտվության պայմանները չկատարելու, ոչ պատշաճ կատարելու կամ խախտելու դեպքում Հանձնաժողովն իրավասու է իր կողմից սահմանված կարգով կիրառել հետևյալ պատժամիջոցները՝

- 1) տույժերի և տուգանքների կիրառում,
- 2) Թույլտվության փոփոխում,
- 3) Թույլտվության կասեցում,
- 4) Թույլտվության գործողության դադարեցում:

6.2 Լիցենզավորված անձը Թույլտվության 6.1 կետի համաձայն չի ենթարկվում պատասխանատվության, եթե նրա գործունեության մեջ արձանագրված խախտումները Ֆորս մաժորի հետևանք են:

## **7. Թույլտվության փոփոխություն, ժամկետի երկարաձգում, Թույլտվության կորստի դեպքում կրկնօրինակի տրամադրում**

7.1 Ռադիոկապի ցանցի (շարժական) կայանների տեղադրման և շահագործման ընթացքում տեխնիկական ցուցանիշների ցանկացած փոփոխության դեպքում Լիցենզավորված անձը անհապաղ դիմում է Հանձնաժողով՝ Թույլտվության մեջ փոփոխություններ կատարելու կամ նոր Թույլտվություն ստանալու հայտով:

7.2 Թույլտվության պայմաններում փոփոխություններ կարող են կատարվել Հանձնաժողովի կամ Լիցենզավորված անձի նախաձեռնությամբ՝ Հանձնաժողովի կողմից սահմանված կարգով:

7.3 Թույլտվության կորստի (կորցնելու, ոչնչանալու և այլն) կամ գործողության ժամկետի երկարաձգման անհրաժեշտության դեպքում Լիցենզավորված անձը պարտավոր է հայտ ներկայացնել Հանձնաժողով՝ վերջինիս կողմից սահմանված կարգով:

## **8. Այլ պայմաններ**

8.1 Լիցենզավորված անձը պարտավոր է ռադիոկապի ցանցի (շարժական ) բազային կայանի տեղադրման շինարարական-մոնտաժային աշխատանքներն իրականացնել շինարարական նախագծին, ինչպես նաև տվյալ բնագավառում Հայաստանի Հանրապետությունում գործող տեխնիկական կանոնակարգերին և իրավական ակտերին համապատասխան:

8.2 Թույլտվության գործողությունը կարող է դադարեցվել Լիցենզավորված անձի նախաձեռնությամբ՝ նրա գրավոր դիմումի հիման վրա:

## **9. Ծանուցում**

9.1 Թույլտվության վերաբերյալ պաշտոնական բոլոր ծանուցումները, հայտերը, պահանջները կամ այլ հաղորդագրությունները Լիցենզավորված անձի կողմից պետք է ներկայացվեն գրավոր և ուղարկվեն սուրհանդակի միջոցով, պատվիրված նամակով կամ առձեռն հանձնվեն Հանձնաժողով: